

31495/p

5585

DISSERTATIO  
DE  
PATELLAE  
FRACTURA.

QUAM  
A. D. T. O. M.  
PRAESIDE  
PETRO CAMPER,

*Medicinæ, Anat. Chirurg. & Philosoph. Professore.*

Publice defendet,

JACOBUS KOOLE,

ZIRICZAEAE-ZELANDUS.

Die 1. Julii 1754.

H. L. Q. S.



FRANEQUAE,  
Excudit GULIELMUS COULON, Illust. Frisiae Ord.  
atque Eorumd. Academ. Typograph. Ord. 1754.

*Franeker*



V I R I S.

CLARISSIMIS. ERUDITISSIMIS.

C E L E B E R R I M I S.

WILHELMO. OUWENS.

MEDICINAE. CHEMIAE. AC BOTANICIS.  
PROFESSORI. SERENISSIMAE.  
AC CELSISSIMAE. PRINCIPIS. MARIAE.  
LOVISAE. ARCHIATRO. ETC. ETC.

NICOLAO. YPEY.

MATHESEOS. PROFESSORI.

JOANNI. ARNTZENIO.

HISTORIARUM. ELOQUENTIAE. ET.  
POËSEOS. PROFESSORI.

PRAECEPTORIBUS. SUIS. PLURIMUM.  
VENERANDIS.


HANC. DISSERTATIONEM. EA.  
QUA. PAR. EST. REVERENTIA.


DEDICAT.

J A C O B U S. K O O L E,

MED. STUDIOsus,







DISSERTATIO  
DE  
PATELLAE  
FRACTURA.

**D**e Patellae fractura dicturo, non alienum visum fuit breviter exponere, quotuplex ea accidat, qua occasione, quomodo dignoscatur, & qualia remedia maxime tuta, vel periculis opportuna sint. Primum itaque quale sit os, & quomodo cum vicinis conjungitur explicandum.

§. I.

Patella, disci figuram repraesentans, extus lima, intus sinui, qui inter ossis femoris condylos datur, perfectissime respondens, & laevi crustata cartilagine, tota solida est &  
A mol-

mollis: recipiens a parte superiore curaei & recti tendinem communem, & musculi capsularis aliquot fibras; a lateribus autem vastorum Musculorum extrema tendinea. Ab inferiore parte ubi gracilior est, tendinem crassum, latum & valens, qui ligamentum patellae dicitur, quo cum osse tibiae firmiter cohaeret. Undique etiam Ligamento quod genu ambit, inhaerens.

Haec commissurae femoris & tibiae ossis. super innatans, ubi crus extenditur, sursum trahitur & superiori parti sinus ossis femoris incumbit; in curvando vero crure juxta eundem sinum descendit, & ad tibiam magis accedit. Quod a *Ruffo Ephesio Lib. 3. de Corp Human. Appell.* eleganter descriptum, a *Cl. Albino* in figuris primo expressum fuit.

Patella igitur in magna genu inflexione cavitatem coeterum deformem adimplet, & Tibiae extensionem multum adjuvat: In sulco enim quasi super trochleam absque attritu movetur, unde musculorum crus extendentium potentia mirifice augetur.

## §. I I.

Verum ad Incessum si attendimus, patebit, absque reciproca genuum inflexione eum fieri non posse, quin & eodem tempore omne hominis pondus vel in patellam agat, vel in tendi-  
nem



nem communem Musculorum crus extendendum, vel in illud ligamentum, quod tibiae patellam adligat. Idque eo majus fore quo ad effectum, quo inflexio genu major est: Oblique enim & a vecte obliquo totius corporis centrum gravitatis sustinetur, quemadmodum evidenter demonstravit *Borellus de Mot. Animal. prop. XL p. 37.*

Et, si inter omnes possibiles mediam sumimus inflexionem pro exemplo, sextuplo majorem vim edere debent modo dicti muscoli in incessu, quam dum idem homo erectus stat. Ponamus itaque hominis robusti pondus 180 librarum, Id sexies auctum 1080 lb aequale erit, quibus in genu aget. Tantâ igitur potentiâ patella sursum trahitur, atque simili reactione a ligamento in situ retinetur. Unde manifestum est numerum librarum duplicandum esse, ut cohaesionem determinemus, quae inter tendines & patellam, inter eam & ligamentum, & inter ejus particulas requiritur. Cohæsionis quantitas Itaque exprimi potest per pressionem, quae 2160 lb aequalis est.

Praeterea, quoniam persaepe homines sese in prolapsu sustinent, ita ut in humum protinus non decidunt, necesse est pondus hoc tam celeri descensu majorem acquirere intensitatem; atque ideo majorem requiri cohaesionem quam in principio statueramus.

Immo longe majori cohaesione opus erit in

iis partibus quando onus humeris imponitur. Bajulus enim facile indorlo gestat 200 lb., quod pondus ponderi ipsius corporis superadditum primo per 6. & deinceps per 2. multiplicandum est. Superare itaque cohaesio debet pressionem 4560. librarum. si minor statuitur ilico rumpetur ligamentum, vel ipsa patella.

### §. I I I.

Quoniam autem vis ponderis & oneris aequaliter in tendinem communem musculorum Crus extendentium, in ligamentum atque in patellam ipsam agit: manifestum est, si iis sustinendis cohaesio impar est, Rupturam in unâ ex his tribus partibus fieri, non propter hominis prolapsum in terram, sed ante eo momento quo sese titubantem vel prolabentem sustinere vel erigere conatur.

Quam rationem experiëntiâ confirmant *Ruy-schius & Petitus*, ille *Obs.* 3. inquit: *Nos (patellam) non solum a casu graviore in genu frangi experti sumus, verum sine casu.* Hic in *Libro de Ossium morbis tom. 2. p. 221.* testatur, se quamplurimas rotulas sive patellas fractas vidisse propter pedis offensiones, & irrita ad se sustinendum conamina, sine ulla impactione corporis duri in patellam.

*Du Verneyi* auctoritate insuper uti possem, sed  
ob.



observationes potius proferam , sequentes.

*Observatio. Prima.*

Amstelaedami una cum *Cl. Hovio M. D.* virum vidi robustum , cui tendo communis cruraci & recti cruris penitus ante aliquot annos in prolapso abruptus erat , ita ut , genu incurvato , sinus , in quo patella movetur , facillime perciperetur. & crure extenso fovea insignis Supra patellam conspicua esset.

Incedebat tamen absque claudicatione , gradus scandebat , quam facillime ; conquerebatur unice de articuli debilitate.

Flectere vero genu non potuisset , nisi uterque vastus integer mansisset.

*Obs. Secunda.*

Arcessiebatur *Petitus* ut patellam luxatam supra Condylus ossis femoris videret : nam de possibilitate istiusmodi luxationis eum convincere conabantur. Revera patellam supra sinum Ossis femoris sitam inveniebat ; sed ulterius examinans detegebat , Ligamentum tibiae patellam , adligans fuisse ruptum , atque exinde patellam altius , quam par erat , adscendisse. Quam veritatem Adstantes etiam confiteri tenebantur. vide *De Morb. Oss. tom. 1. p. 313.*

*Obs. Tertia.*

*Du Verney. ibid. Tom. 1. p. 394.* Similem rupturam describit; Juvenis in descensu duorum graduum prolabitur, genu valde flectitur, ut brevis sim, sese erigens crus immobile detegit. Intumescibat ilico genu, unde non nisi doloribus sedatis & tumore diffuso determinare potuere Chirurghi, Ligamentum fuisse ruptum. Ad altitudinem enim duorum digitorum supra condylos ossis femoris haerebat patella, relinquens spatium inter femur & tibiā vacuum.

Rarior tamen videntur esse istius naturae observationes, quamvis *Ulhornius in Not. in Heister. p. 240. Z.* frequentem esse rupturam tendinis cruraei &c. atque ligamenti patellae statuat.

*Obs. Quarta,*

*Ruiffchius obs. 3.* exemplum patellae ruptae proferens, his verbis pergit: visitavi Virum robustum qui a ponte descendens in terram fere ceciderat, uno pede lubrico, resistens tamen quantum potuit in terram non fuerat prolapsus; sed ab illa resistantia vehementissima, transversalem fracta fuit ejus patella, & adeo quidem evidenter, ut inter utramque partem locari potue-



tuerit manus: una enim supra, altera intra genu sentiebatur.

Liquet itaque rupturam contigisse propter cohaesionis defectum; non vero propter collisionem alterius corporis. Nec mirum, in planitiem enim siquis prolabitur, patella humum non attingit, sed illud tibiae tuberculum, cui patellae ligamentum inseritur, quod unus quisque in se ipso experiri potest. Aliquando hac occasione utraque patella simul rumpitur, ut ante 12. annos Leidae matronae cuidam templum exeunti contigisse memini.

Atque haec ratio est, ob quam patellae fractura adeo frequens est, ut eam in quam plurimis vidisse *Petitus* memoriae prodiderit. Raram e contra esse scribunt *Avicenna*, *Hildanus* alique. *Vesalius* in *Chir. magna Lib. 2. Cap. xv.* sese eam semel tantum vidisse meminit, unde illud ita visum fuit magnis iis in arte Viris minus percipio; quia ipse per multas patellarum fracturas intra paucos annos vidi.

## §. I V.

Ruptura patellae a causa memorata, (quae quoad effectum fractura dici potest) necessario transversa est; quia à duabus sibi mutuo e diametro oppositis potentiis devellitur. Et, quod  
ma-

magis stringit, ita semper observatur. Non negandum tamen à collusione oblongam aliquando productam fuisse. Nemo enim in dubium vocabit *Stalp. v. d. Wiel Obs. 97. Cent. 1. p. 394.* quâ narrat, se *Ruricolae e superiori aedium tabulato per gradus voluti, qui genu in ferrei claustrij* *januae prostibuli quandam extremitatem ceciderat, rotulam, qua longior est, ita ruptam reperisse, ut disjunctae minimi digiti spatia a se invicem distarent partes.* addit, eum sanatum fuisse, ut gradienti nihil obesse videretur.

Frequentius tamen, a quacunque causa oriatur, transver a accidit. quod *Du Verney l. c. p. 380.* Et *Petitus l. c. p. 222. confirmant.* Super addunt oblongam esse rarissimam, & si contingit, ab impactione in corpus durum produci, aut bellicis instrumentis. &c. En *Petiti verba:* *La rotule se casse presque toujours en travers, & il est impossible qu'elle se casse en long, à moins que la fracture soit compliquée, comme lors qu'elle se casse par un coup de fusil, un éclat de bombe &c.*

*Schenkius Obs. Med. lib. v. Obs. 18.* utriusque pedis patellam transverse fractam, unice meminit. *Hildanus Obs. Chir. Cent. v. Obs. 88* patellae in transversum fractae exemplum adducit: in fine vero ejusdem *Obs.* fracturam patellae icti scilicet peti factam & mirum in Modum comminuatam atque contritam describit.

Et



Et, si quid valet mea auctoritas, subungere possum, me huc usque nullam vidisse fracturam oblongam, & exceptâ *Stalp. v. d. Wiel* observatione, nullibi tale exemplum reperisse.

Omnes autem, qui patellam in omnem directionem indiscriminatim frangi scribunt, veterum opinionibus nimis addicti, patellam cum aliis humani corporis ossibus compararunt, & ex similitudine falsò ratiocinati fuere. Et inter eos quam maxime *Hildanus*, quem alii imprudenter secuti sunt. Tanta enim est inter reliqua ossa & patellam dissimilitudo, ut haec fere semper transverse frangatur, illa vero nunquam. quod alia occasione demonstrabo.

## S. V.

Ex iis omnibus manifestum esse mihi videtur Patellae fracturam dividendam esse in Rupturam atque fracturam. Neque auctoritate caret illa distinctio; *P. Aegineta* enim *Cap. 103. Lib. 6 med. art. princip. p 599.* ex industria scribit. *Patitur autem (patella) ruptionem per crassitudinem, & in tennes partes fractionem cum vulnere, aut sine vulnere.* ὑπομένει δὲ διὰ πᾶχος ῥήξιν καὶ τὴν εἰς λεπτά θραύσιν, vocem ῥήξιν non adhibuisset, nisi has differentias notare voluisset. ubique enim rupturam significat; sic ῥήξις ἔπεριτοναίῃς. peritonaei ruptura. Eodem plane modo apud  

B
Hip.

Hippocratem. In genere; quoties cunque aliqua pars propter nimiam dilatationem disrumpitur uti in Herniis peritoneum, in abscessibus cutis &c. *πῆξις* ab omnibus graecis adhibetur medicis.

Notat insuper *Paulus* per crassitudinem, idest transverse rumpi, *διὰ πᾶχης*. In textu graeco *Aldi*, & *Cratandri* legitur *διὰ πᾶχης quam celerime*: quem errorem typographicum in interpretatione *Janus Cornarius* correxisse videtur.

## §. V I.

Concludimus, ab inflexione genu nimia vel nimis subito factâ, Rupturam oriri tendinis communis cruræi & recti, vel Legamenti patellæ, vel patellæ ipsius: Eamque semper & necessario esse transversam.

Fracturam vero ictu externo, patellam graviter feriente, produci, vel quod patella vehementer in corpus durum impingit. Eamque fieri juxta omnes directiones in longum, latum, in partes tenues &c. pro diversa ictus determinatione in patellam. Transversam vero esse frequentissimam.

## §. V I I.

Cognoscitur autem ruptura ex causis præ-  
gre-



gressis, ex genu immobilitate post lapsum; maxime vero ex divisione patellae: una enim pars sursum trahitur, altera, quia ligamentum sese non retrahit, quiescit. Unde tantus saepe hiatus, ut unius digiti, aliquando duorum latitudinem superet. Rectius tamen, si Medicus dextrâ fragmento superiore, sinistrâ inferiore prehensio, in oppositam partem ea movere potest. Vel multum ad se invicem adducendo fragmenta, strepitum, sive crepitationem audit.

Superaccidit persaepe tantus ex violenti illa desruptione tumor, ut ilico post lapsum ruptura detegi nequeat, quemadmodum ex *Obs. 3.* ex *Du Verneyo* deprompta liquet. Ex symptomatibus igitur dijudicanda est.

Difficilior longe est diagnosi Rruptionis tendinis cruræi & recti cruris, propter tumorem, qui immediate subsequitur. Genu vero detumescente fovea supra patellam deprehenditur; Et sinus, dum incurvatur, inter utrumque Ossis femoris condylum facile tactu distinguitur. Musculi quoque soluta cum patella cohaesione sese fortius contrahunt; unde parte media & anteriore insigniter intumescit semur.

Ligamentum autem dum abrumpitur, patella sursum trahitur, & supra sinum deprehenditur ad altitudinem unius, aliquando duorum transversorum digitorum. Margo anterior ossis tibiae tum magis conspicuus est; Et fovea prio-

ri similis, sed inter commissuram ossis utriusque, femoris scilicet & tibiae, observatur.

Integra vero, & in utramque partem mobilis in ultimis casibus deprehenditur patella.

### §. V I I I.

Eadem plane ratione fractura patellae dignoscitur, si transversa est, uti in ruptione scriptum fuit; si oblonga, partes itidem a se invicem disjunctae distant, sed lateraliter cedunt. Et ita quidem teste *Stalp. v. d. Wiel* ut digitus minimus inter poni aliquando possit. facilius autem ad se invicem adducuntur, & strepitum edunt fragmenta. Paucis & eleganter omnia haec exhibuit signa *P. Aegineta* hisce verbis. *Solutio continuitatis occurrit, & Cavitas, & Strepitus.*

In plures partes autem comminuta patella non nisi aegerrime cognoscitur propter collisionem & contusionem, quibus subito intumescit genu.

### §. I X.

De Diagnosi ut ut inter se conveniunt medici, in prognosi tamen quam maxime dissentire videntur.

*A. Paraeus.* enim testatur se neminem cui patella fracta fuerat vidisse qui non claudicasset.  
Hil.



*Hildanus* ex consideratione difficultatum, quae fracturas patellae concomitantur, concludit, p. 486. *ibid.* *Fracturam patellae in transversum, & obliquum nulla arte, nullaue industria sine claudicatione curari posse.* *Petitus* p. 223. tom. 2. distincte non agit de prognosi, & eam potius fingit. *li*, inquit, quibus rotula reducta non est, magnam difficultatem in incessu experiuntur, quia praeter succum nutritivum, qui in articuli capsulam ingreditur, mechanismus articuli destruitur. *Du Verney* p. 383. contra, *Prognosin patellae fractae non infauit esse, judicat nisi forte comminutio adsit.*

*Ulhornius* Rupturam tendinis Cruraci incurabilem existimat; eam vero ligamenti patellae concreescere mediante callo, uti tendo achillis. *vid. not. z. in Heist. p. 240.* *Du Verney* p. 393. tom. 1. in fine. *Lorsque le ligament particulier de la rotule se casse, il n'y a point de guerison, il faut de toute necessité, que le malade soit incommodé tout le reste deses Jours.* idest. ligamento patellae disrupto necessario aeger per totam vitam patitur, nam incurabile est.

Unde nam illa dissensio, breviter ostendam! Pauci ex propriis observationibus conclusiones formarunt; quidam nimis subito. alii e contra comparatione initâ cum simili rupturâ falsa posuerunt.

*Ulhornius* v. gr. non indicat, se vidisse liga-

mentum fuisse sanatum interpositione calli; sed ex similitudine concludit. *Du Verney* e contra observatione legitimâ demonstrat juvenem, cui id ligamentum ruptum erat, per integrum annum non incessisse; postea vero eum descendere latis facile gradus, sed scandere non nisi difficulter potuisse; Et parum claudicasse &c.

Si omnes ad tempus attendissent, quo claudicatio desinit, forsan magis inter se convenirent prognoses. Omnes enim pro tempore claudicant, aliquando per annum integrum, aliquando per duos, vel tres & lente robur acquirunt.

Plures ideo examinavi, diu postquam fracta fuerat patella, & sequentia observavi.

*Observ. Quinta,*

Vidi Amstelaedami virum, cui patella genu sinistri ante quatuordecim annos fracta fuerat. Fragmenta adhuc dum mobilia erant, Et per tendinis speciem concreta. Genu vero extendebat ac si nunquam fracta fuisset patella. Scandebat, genu flectebat, surgebat iterum: immo super eo pede Saltabat quemadmodum super altero sano.

*Obs. Sexta,*

Eodem tempore Matronae cujusdam sinistri  
genu



genu examinavi patellam, quae duobus elapsis annis transverse fracta fuerat. Haec scipionibus in initio usa, integrum dein genu recuperaverat robur, & mobilitatem. Ita ut inter illud & sanum nulla fuerit differentia, quam quod fragmenta essent mobilia atque tendine unita.

Cum vero multum ea movebam, superius crepitabat.

*Obs. Septima.*

*Stalpartus v, d, Wiel* (*vide Cent. I. Obs. 89. p. 395.*) vocatus fuit ad C. de R., cui plateam quamdam transienti obverso insilicem genu, mola, quâ in latum patet, fracta erat. quae ruptura nihil incommodi, postquam per sex hebdomadas probe curata, ac quieta fuisset, incedenti attulit, nisi quod non ita facile gradus scandat.

Ex allata *Schenkii* obs: similiter patet aegrum absque claudicatione incessisse.

Unde Liquer, fracturam transversam, & rupturam patellae saepius absque ulla claudicatione sanatam fuisse: Et eatenus in prognosi errasse *Paraeum*, *Hildanum*, aliosque, quod ad tempus, quo claudicatio desinit, non attenderint: nam initio non modo omnes claudicant, sed & scipionibus sese sustinere coguntur.

## §. X.

Majoribus vero incommodis opportunam esse patellae tracturam oblongam, sive fissionem scribunt, quia per saepe in anchylosin sive immobilitatem genu desinit, quamquam non semper: Sanatae enim istiusmodi fracturae historiam dedit *St. v. d. Wiel* ex Rustico, cujus circumstantias §. 4. exhibui.

## §. X I.

Summe autem periculosa est fractura a collisione, immo eo magis, quo major comminutio adest. *Hildanus Cent. v. Obs. 88. p. 486.* tristem meminit historiam Militis strenuissimi, cujus, patellâ ictu sclopeti fractâ, & comminutâ atque contritâ, post acutissimos dolores, & inflammationes, genu hinc inde cum ligamentorum & cartilaginum erosione exulceratum in meliceram tranxit. Tandem post ingravescentia Symptomata, quae cum dies noctes que excruciarunt, Cacochymicus mortuus est.

Symptomata prorsus similia praedicit *Du Verney* in patellae fracturis cum contusione, aut comminutione, praesertim si instrumentis bellicis producuntur: Ulcerationem Scilicet cartilagineas & ligamenta destruentem, dein Cariem &c. *Vid. ibid. p. 383, uno verbo. Veram Celsi meliceram.* Ne-



Neque etiam ea infrequens videtur fuisse apud veteres, uti ea Celfo patet, *Lib. 5. Cap. 26. §. 20.* De melicera enim agens scribit, eam *ferri ex malis ulceribus ubi nervi circa articulos laesi sunt, & inter haec loca maxime ex genibus.*

### §. XII.

Fractura vero in tenues partes in anchylosin saepe definit, Eamque omnes metuunt chirurgi, quoniam callus nulla arte intra limites retineri potuit; ideoque eum luxuriare, articulum adimplere, & primo movendi difficultatem, dein anchylosin necessario producere debere concluderunt. Sic *Paraeus*, quem *v. d. Wiel*, *Hildanus* aliique secuti fuere. Ultimus autem dubitat, an quidem Extuberantia calli talis esse potest, ut cavitatem (quae inter femur & os tibiae magna est) adeo adimpleat, ut motum actionemque genu impedire possit?

*Du Verney l. c. p. 383. & 393.* longe accuratius anchylosis causas explicat. Fieri nempe quando plura fragmenta adsunt; vel ubi ab externâ collisione patellae ejus cartilago intus contunditur, aut ossis femoris ea pars tenuis & cartilaginea, cui patella incumbit: Magis enim quam reliquae ossium partes articuli in fungosam luxuriant excrelcentiam.

## §. X I I I.

Si in unam summam colligimus, quae ex allatis Observationibus deducere possumus, manifestum est.

I. Rupturam tendinis communis cruraei & recti cruris non esse periculosam: vasti enim non rumpuntur. sed debilitatem insecuturam, & foveam supra ossa femoris condylos, & contractionem eorum musculorum.

II. Dubiam esse prognosin rupturae ligamenti, quia observationes deficiunt; probabile tamen esse absque magna claudicatione, sed cum debilitate articuli, rupturam eam sanari.

III. Rupturam patellae nullo modo esse periculosam, si modo inter se fragmenta non consolidantur. Pro tempore vero imbecillem fore articulum, & claudicatueros aegros per annum integrum vel plures.

IV. Fracturam in longum sanabilem esse.

V. Fracturam cum contusione externa, vel interna, vel cum comminutione, articulum rigidum efficere posse propter luxuriam calli, & totius articuli; atque ad meliceram disponere genu, & lethalem posse fieri, si debito tempore crus non resecatur.

## §. XIV.



## §. X I V.

Ex Autorum dissentientium observationibus sat facile perspicere poterit B. L. cur varia curatio proposita fuerit? Quidam enim voluere patellae fractae segmenta inter se conglutinare, atque ideo ea primo reducere & dein fasciis & quiete in situ retinere.

Alii è contra anchyloses saepe observantes, & aliorum metu perterriti ab initio inflectere voluere genu, ne partes inter se concrecerent.

Inter Celebres chirurgos ab utraque parte defensores videns, Dubius haesi, quamnam eligerem methodum; donec Cl. *Hunteri* inter Londinenses Anat. & Chir. Professoris celeberrimi musaeum attente examinans tres patellas transverse fractas vidi; quarum figuras delineavi, & adhuc dum conservo. Hae magnum adterabant Lumen observationibus quas ante colligeram. Ideoque quid in iis observavi antequam de Curatione ago, exponam.

*Obs. Octava.*

Prima erat Patella transverse fracta, cujus fragmenta multum à se invicem disita connectebantur tendine lato & crasso; qui ab exteriori parte fragmentum superius, quod parvum e-

rat, super adscendens patellae inferebatur, & partim obtegebat.

Inde mihi videtur *Obs.* 5. & 6. explanari posse. Immo si considero, tendines non modo supra & infra, idest à duplici parte patellae inferi, sed & capsulam fortem ab omni parte genu obtegere, atque patellam; non minor fragmenta ita per tendineam, uti vocant, concretionem inter se retineri.

*Obs. Nona.*

Altera transverse fracta jam pro maxima parte concreta erat callo, intus scilicet, ubi cartilagine vestitur; ab exteriori autem parte sulcus transversus, fracturae certum indicium remanserat.

Verum callus laevis erat, & cartilagine uti reliqua patella, qua articulum spectat crustatus.

Argumento, concretionem per callum possibilem esse absque Luxurie & anchylosi.

*Obs. Decima.*

Tertia itidem transverse fracta extus concreverat, sed intus tota patella mirum in modum mutata, erosa atque deformis erat. Nam non modo luxuriaverat callus & os ipsum; sed carie quasi exesa Erat patella.

Pro.



Procul dubio a contusione cartilaginis caries illa facta est. & *Du Verney* prognosin explicare videtur haec observatio.

### §. X V.

Unde liquet, in Rupturâ Patellae â nimia & nimis subitâ genu flexione concretionem tendineam expectandam esse. Et pro tempore qui- elcere debere genu, & ad se invicem adduci fragmenta : non, ut inter se concrecant per callum, sed, ne plura ligamenta rumpantur, & ut dolores sedentur &c. quod *Duverney* confirmat. p. 385. & 386. *quoique la rotule Soit cassee il reste encore quelques portions d'aponeuroses, qui la- tiennent, & que l'on détruit si l'on plie la jambe &c.*

Eadem cautela in rupturâ tendinis communis, vel ligamenti patellae necessaria est.

In fracturâ etiam si ab ictu externo, si globo sclopetario facta non est; si nulla mala sumpto- mata super accedunt; eadem indicatio locum ha- bere videtur.

Si autem fractura cum pluribus est fragmen- tes, si cum contusione valida, & instrumentis bellicis facta : tutius erit, in initio amputare crus supra genu, ne in meliceram, quae praeca- veri non potest, incidat aeger, & exhaustis viri- bus, & depravatis omnibus humoribus certo mo- riatur. quemadmodum militi, cujus casum §. 8.

memoravimus, accidit. *Du Verney* ideo p. 384. il faut dans le commencement amputer lacuisse, c'est ce que les bons praticiens font en pareille occasion, sans ce secours, qui est l'unique, il en coute la vie au Malade après avoir souffert de vives & cruelles douleurs.

### §. X V I.

Sed insuper attendendum est ad successum diversarum methodorum, quibus sanationes fracturarum vel rupturarum tentatae fuerunt, & quae frequentius sanavit, eligenda est. Dein examinandum, an quiete solâ concretio fragmentorum certò accidit, an vero fortuito? De hac re enim inter Chirurgos magna contentio est. Exsequentibus vero observationibus haud difficile erit concludere, Methodum, quae reductione & quiete per concretionem curam molitur, certam omnino non esse.

#### *Obs. Undecima.*

In Nosocomio Londinensi mulier decumbebat propter patellae fracturam transversam, cui per aliquot septimanas vinctura *Heisteri* ad patellam transverse fractam injecta fuerat. Conabar à se invicem lateraliter dimovere fragmenta, sed incassum; concreta enim jam erant. Atque adeo rigidus  
ar.



articulus, ut jam jam factam anchylosin metuerem.

*Obs. Duodecima.*

Simili fasciâ in Eodem nosocomio patella Viri transverse fracta per 7 septimanas deligata fuerat. Fragmenta mobilia remanserant, & per tendineam membranam unita, qualem antea descripsi.

His observationibus parùm contentus, quia idem curandi modus contrarium effectum habuerat, Cel. *Sharpium* consului; à quo dedici, per paucos dies genu quiescere & cessantibus inflammationis sumptomatibus gradatim inflecti, debere, ut per tendinem patellae partes concrescant, non autem per callum. quia nimis diu quiescere oportet genu, unde saepe rigidum fit.

Peritissimi quoque Chirurgi Amstelædameses hâc methodo quotidie successu felicissimo. Transversas fracturas patellae restitunt.

Inter Autores autem *Solingo* excepto nullum Légi, qui de hac cautelâ ex professo agit; monet enim *Cap. 27. p. iv. Patellarum fragmenta quidem adse invicem adduci, sed aliquando genu inflecti debere ne anchylosi immobile fiat*

Atque Ex istiusmodi observatis peti debere Curationis indicationem credidi; nunc autem quo-

quomodo componi debeat fractura sive transversa, sive oblonga sit, aut comminuta dicam.

## §. X V I I.

De fracturâ, vel rupturâ in transversum dum ex signis ante expositis Certus est Medicus, primum genu extendet, atque Vino, vel aceto cum Oleo Olivarum mixto totum inunget si autem contusio vehemens adest, decocto ex cortice quercino Vino Rubro animato fovebit. Contusiones enim emplastra minus ferunt, praecipue in nostris regionibus.

Mox fragmenta quantum fieri potest componet: neque interest, utrum ea se mutuo tangunt; quia tendineam concretionem promovere oportet. accedit quod contusio saepe eorum appositionem impedit.

Deinde spleniis, oblongis supra et infra fracturam dispositis, & fasciis fragmenta in situ retinebit. Quidam autem malunt emplastra glutinantia primo imponere & iis splenia super accommodare, ne loco cedant. Diversimode autem splenia efformantur, atque firmantur. Aliis enim Testudo veterum arridet, aliis fascia stellata, quae spica est, cujus Chiasma patellae incumbit. Quidam Vincturas singulares amant; quales apud *Du Verney*, *Petitum*, *Disdier*, *Heisterum*, *Bassium*, aliosque describuntur. Easque iterum  
ca-



canalibus e simplici strophilo, vel stramine paratis firmant, ut securius quiescat genu. Nonnulli ex metallo machinas idoneas excogitarunt, quales apud *Solingenium*, *Petitum*, *Garengeottum* depinguntur.

Eas autem omnes hic describere animus non est; perspicue enim de iis Auctores citati egerunt; notabo tantummodo simplices esse optimas. Forlan conjicere possemus an quidem ulla absolute necessaria sit; non enim desunt observationes fracturarum similium quiete & Naturae beneficio sanatarum.

Illa *Heisteri* frequenter in usu est, & satis simplex.

Genu exarte deligatum tandem ita in lecto disponet, ut undique retineatur & quiescat una cum crure, cujus extremo pulvinar subjiciendum est, ne fragmenta nimis à se invicem dehiscant.

Atque, hoc modo per aliquot dies, plures paucioresve pro re natâ genu relinquet, donec detumescat, aut inflammatio cessat. Tum leniter inflectet genu & quidem in principio parum deinceps vero magis: nam vehementer dolet articulus dum post longam quietem subito movetur. Idque per aliquot septimanas continuandum est.

Quinquaginta dies pro formando callo statuit *Petrus* *ibid.* p. 230. demonstravimus au-

tem tutius esse, per tendineam concretionom curam moliri, atque ideo aegris scipiones dare vellem, ut citius deambulare possent. hisque etiam diu uti necesse est, ne de novo disrumpatur genu.

Quae de fracturae curatione dicta sunt, rupturis tendinis musculorum crus extendentium, atque Ligamenti patellae apprime conveniunt.

### §. X V I I I.

Patella autem in longum fracta uniente fascia, & spleniis patellae lateribus appositis facile adsanationem perducitur; vel Sceparno, quam fasciam. asciam ad genu alii vocant.

### §. X I X.

Vix ullam medelam admittit fractura in tenues partes, exceptâ illâ, quae omnibus fracturis cum fragmentis idonea est.

Inflammatione sedatâ diu quiescere debet genu, ut inter se concrecant partes & femur, cum tibia in directum. Absque anchylosi enim nunquam Sanatur; & si eo fractura perducipoteat, felicissimus aeger dici meretur.

In directum autem inter se debent crus ferruminari & femur, quia melius incedere possunt, &  
ad



ad quaevis exercitia magis apti sunt, quam si ad angulum rectum ossa inter se committuntur. Scipionibus enim tunc semper indigent aegri, vel crure artificiali.

Et eum situm, si sibi relinquitur, genu semper acquirit à musculis flexoribus, qui fortiores & valentiores sunt extensoribus, quando punctum suum fixum amiserunt.

Si autem ad Meliceram sese genu disponit, Crus quantocyus abscindi debet supra genu, secus vires deficiunt, humores depravantur, & moriuntur.

F I N I S.

## E R R A T A.

pag. 4. lin. 18. putellam, *lege* patellam.

pag. 6. lin. 1. Du Verney *ibid.* *lege.* *de morbis*  
*ossium.*

*ib.* lin. 11. Rarior. *lege* Rariores.

*ib.* lin. 21. transversum. *lege* transverse.

8. lin. 19. a monis *lege* ámoins.

9. lin. penult: sic *lege* Sic.

10. lin. 13. legamenti *lege* ligamenti,

11. lin. 12. desruptione *lege* disruptione.

17. lin. 2. ea Celso *lege* ex Celso.

*ib.* lin. 7. definit *lege* definit.

19. lin. 18. ferabant. *lege* ferebant.

20. lin. 6. feri *lege* Seri.

*ib.* lin. 7. non minor *lege* non miror.

13. lin. 10. dedici *lege* didici.



# THESES

## DEFENDENTIS.

I.

*Vulnera Cerebelli mox ab inflicto vulnere non sunt lethalia.*

II.

*Vulnera Cordis, quamquam lethalia, mortem tamen subito non semper adferunt.*

III.

*Pulsus à contractione arteriarum dependere nondum demonstratum est.*

IV.

*Epidermidem vasa habere, affirmamus.*

V.

*Fœtum in utero per os nutriri prorsus impossibile est.*

VI.

*Rachitis cum Lue Venereâ nihil commune habet, neque ab ejus labe oritur.*

D 3

A D

A D  
A M I C U M.

**L**ittera quid portet, si quaeras, illa salutem

Portat, & ingenii pignora certa mei.

Quam possum brevis esse volo: brevitate placemus;

Longa decent longos carmina, parva breves.

Non ego consuevi limâ mordaciter uti.

Carmina sunt animi liberioris opus.

Non petimus Schyticis florentia ferta camoenis.

Nostra canit sparsis horrida Musa comis.

Addere Tu laudes Tibi non permittis, amice,

Digna foret probitas laudibus ista Tuis.

Carminibus stimulare meis Te forte licebit.

Pone metum subito, res jubet, arma cape.

Nobilis adstrictas sonipes bene nescit habenas,

Ad sibilum domini subsilit ille sui.

Tenta semel turgent minimo dum carbasa vento

Praeterit egressas tuta carina rates.

Qui didicit socio nutus conferre loquaces

Membra quot, in membris tot gerit ora suis.

Quid



Quid non sentit amor? quid non sensistis amantes?

A minimo trahitur mens generosa sono.

Nos quoque Te gracili calamo stimulamur Amice.

Verba queunt magnos flectere saepe Deos.

Quid trepidas? aude Magno praeunte Magistro,

Ille dabit linguae verba diserta Tuae.

Cedis an obduras? dic quid Te COOLE moretur?

Terror an ingenium res gravat illa Tuum?

Sub Duce quid Magno trepidas? expelle timorem.

An nescis vigiles esse solere Duces.

Praeses erit CAMPER vel solo nomine magnus,

Tu minor, hoc uno nomine tutus eris.

Nascimur in docti, multo mansuescimus usu,

Nil sine sollicito vita labore dedit:

Sudandum, noctes etiam vigilantur amarae,

Dum celer in calido corpore sanguis erit,

Mox veniet tacitis pedibus ruitura senectus,

Qua subeunte brevis, quæ fuit, hora ruet.

Pulchra senem recreant vernantis facta juventae,

Sic suevit puerum me stimulare pater.

Felix qui vitae fugientis damna recenset,

Et discit monitis doctior esse suis.

Tu praeponere Tibi chari mandata Magistri,

Ille tenet rectam laudis ad astra viam.

Sic,

Sic pede quo pergis stadium decurrere terra,  
Nec facias patriae vota caduca Tuae.  
Dum licet in longa, Juvenes, luctemur arena,  
Praemia non dubii certa laboris erunt.

*PAULUS SZATMARI.*

L O K.



# L O K W I N S C K

## O O N

# J A P I K K O O L E

Da Hy iepentlyk Disputearre dy earste fenne  
Heamoanne. 1754.

**S**il dan myn Sjongfaam neat in bortlig Deuntje rymje  
Nou Koole disputearret,  
In uit syn Schrândre Holle al 't tjuestre straks forklearret  
Het oors? wy moatte in bytje by elkorem lymje,  
Al is't ienfâdig Sljuecht in rjuecht:  
In litte 't oore oer, waems Sjongfaam heager sljuecht,  
Om KOOLLES Lof te fieren yn de Wolknen op  
't Is better onbedreun by 't Fokje as 't Zeyl yn top.  
Myn Sjongfaam sil har mey in Rymke forgenoegje,  
d'Oprjuechte winsck is better,  
Schien trogientâdig, as 't heagljeapjende gekletter  
Fen Stoffers dy mar wurden by eltjorum foegje,  
Ja passe of neat: ik ljeuw eak Frjuen  
Dat nimmen jou formakket mey fân grutsken drjuen;  
In dat d' opriuechtheit fen in ruwne ienfâdge Boer  
Jou Swieter is as heage wurden sonder stjoer.  
Ik winsk dan, wirde Frjuen? (want fen it disputearjen  
Kin ik neat folle sisse

E

Dear

Dear hab 'k nen witniff fen, dat lit ik oore uytliſſe)

Dat Y mey Lof bereikje 't eyn dat Y bejaarje,

In dat Y meyje yn koarte tyd

(As dat ſoa kaam, myn ljeave Frjuen! het wier ik blyd?)

In Piſbeloytſer woarde dy ſyn wurk forſtiet;

In dy 't mey 't dokterjen ney winſk in wâde giet.

N. T. T. N.





